



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 47. Ordo Fratrum Prædicatorum propagatur.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

modo in ordinem ab alio diggestæ, & a Sæcul. XIII.
Nicolao IV. Papa, post annos sexaginta A. C. 1221.
octo, confirmatæ.

Qui hunc tertium Ordinem profitebantur, Fratres *de penitentia* dicti sunt, atque omnium primus refertur Luchesus, qui S. Francisco prope oppidum, vulgari lingua *Poggi-Bonzi*, in Thuscia occurrit. Is prius mercaturam fecerat, avaritiæ vitio notissimus, ac præterea Welphorum factioni plus æquo addictus; sed ipse conversus, uxori quoque suæ, cui nomen *Bona-Donna* persuasit, ut in posterum vitam ad Christianæ Disciplinæ leges componeret. His ergo S. Franciscus tertii Ordinis habitum contulit, coloris cineracei, modestum, cum nodoso cingulo, & viva voce futuram vitæ rationem præscripsit.

§. XLVII.

Ordo Fratrum Prædicatorum propagatur.

Sanctus Dominicus Bononiæ alterum Ordinis sui Capitulum Generale, in eodem Festo Pentecostes, die trigesima Maji, anno millesimo ducentesimo vigesimo primo, celebrans, octo Fratres Provinciales, spectatæ virtutis viros eligi, jussit, qui Fratribus in totidem Provincias sparsis, nempe in Hispaniam,

*Theod. IV.
c. 7.*

Pp 3 Fran-

Sæcul. XIII. Franciam, Longobardiam, Campaniam
A.C. 1221. Romanam, Provinciam, Germaniam,

Jord. c. 50.

Boll. vita.

Jord. to. 4.

p. 722. n. 13.

Hungariam, & Angliam, præessent. In Angliam misit Giselbertum cum tot Fratribus, quot ad constituendam Congregationem necessarii videbantur. In Hungariam misit Paulum, in illa Genitum, haud diu abhinc Ordini adscriptum, postquam Jus Canonicum Bononiæ publice docuisset. In eodem Capitulo Dominicus Priorem Provinciæ Longobardiæ creavit Fratrem Jordanem. Is tunc Parisiis agebat sub Priore Mathæo, cui & Ordini ipsius eodem anno Universitas jus suum omne contulit in S. Jacobi domum, in qua Dominici Fratres sedem fixerant. Huic Donationi conditiones adjunctæ; Fratres Prædicatores profiterentur, se hanc domum Universitati Parisiensi in acceptis referre, & Magistros Scholasticosque tanquam Fratres suos, precum suarum & bonorum operum participes efficerent.

Jord. M.S.

51.

Sub idem tempus Eberhardus Archidiaconus Lingonensis, vir splendore virtutum & auctoritate in Ecclesia illa conspicuus, Fratrum Prædicatorum Institutum amplexus, suo exemplo multis aliis conversionis occasio fuit. Cum Fratrem Jordanem tenero amore prosequeretur, eum in Longobardiam proficiscentem comitatus est, etiam deside-

rio S. Dominicum videndi impulsus. Ce-
 terum quia Frater Eberhardus in Francia
 & Burgundia erat notissimus, nemo non
 iter facientis paupertatem Evangelicam
 mirabatur. Tandem Lusuni, cujus civi-
 tatis Episcopatum olim sibi oblatum re-
 cusaverat, morbo correptus, paucis post
 diebus extinctus est. Advertens, quod
 sibi ab amicis celaretur, ex medicorum
 iudicio de vita actum esse, ad Provin-
 cialem ait: *Illis, quibus amara est mor-
 tis memoria, celanda est; sed ego hac
 miserabili carne spoliari non pertimesco,*
*sperans, me ad caelestia tabernacula per-
 venturum.* Jordanes vero hoc morien-
 ti Eberhardo Testimonium reddidit:
*Beata omnino ejus mors mihi videbatur,
 ex eo, quod cum ipsius obitum mihi do-
 loris & perturbationis materiam futu-
 rum esse crederem, me potius sancta lati-
 tia replevi senserim.*

§. XLVIII.

S. Dominici obitus.

Celebrato Capitulo, S. Dominicus ali-
 quamdiu Bononiae commorans, &
 non nunquam illius civitatis Clericos a-
 micos suos invisens, cum quadam die
 de contemptu mundi & vitae praesentis
 ludibrio disseruisset, subito valedicens,
*videtis me hodie sanum, inquit, sed ante
 Beatæ Dominae nostræ assumptæ Festum*
 P p 4 *migra-*

Sæcul. XIII.
A.C. 1221.

2. Cor. 5. 1.

Th. c. 8. 12.
Jord. c. 52.
Th. 5. c. 1.